

**JAVNA USTANOVA
ZAVOD ZA MEDICINU RADA I SPORTSKU MEDICINU
ZENIČKO-DOBOJSKOG KANTONA
ZENICA**

Na osnovu člana 20 a. Zakona o radu („Službene novine Federacije BiH“ broj: 26/16, 89/18), člana 7a. Pravilnika o radu JU Zavod za medicinu rada i sportsku medicinu Zeničko – dobojskog kantona broj: 3229/2017, 4406/2017, 7731/17, 1290/18, 2220/2018, 4650/2018, 8340/18, 10028/2018 od 23.06.2017. 11.8.2017, 11.12.2017, 16.02.2018, 21.3.2018, 24.5.2018, 31.10.2018, 26.12.2018. godine, a u skladu sa odredbama Uredbe o postupku prijema u radni odnos u javnom sektoru u Zeničko – dobojskom kantonu (Službene novine Zeničko – dobojskog kantona broj: 8/19), i Procedurom o postupku prijema u radni odnos u JU Zavod za medicinu rada i sportsku medicinu Zeničko-dobojskog kantona broj: 5910/19, 6391/19 od 08.8.2019., 03.9.2019 te Odluke direktora za popunu upražnjenih radnih mjesta broj: 7950/19 od 11.10.2019., direktor Kantonalnog zavoda za medicinu rada i sportsku medicinu raspisuje

**JAVNI OGLAS
za prijem radnika u radni odnos**

Radna mjesta:

- 01. Doktor specijalista medicine rada/doktor specijalista medicine rada i sporta**
 - 1 (jedan) izvršilac na neodređeno vrijeme
 - pripadajuća osnovna neto plaća: 2.093,00 KM
- 02. Doktor specijalista neuropsihijatrije**
 - 1 (jedan) izvršilac na neodređeno vrijeme
 - pripadajuća osnovna neto plaća: 2.093,00 KM
- 03. Doktor specijalista pneumoftizilogije**
 - 1 (jedan) izvršilac na određeno vrijeme – na period od 2 (dvije) godine
 - pripadajuća osnovna neto plaća: 2.093,00 KM
- 04. Viši fizioterapeut**
 - 1 (jedan) izvršilac na određeno vrijeme – do povratka porodilje, a najduže na period od 1 (jedne) godine
 - pripadajuća osnovna neto plaća: 1.105,00 KM
- 05. Medicinska sestra - tehničar u konsultativno specijalističkoj službi medicine rada sa dijagnostikom i liječenje u odnosu na uslove i zahtjeve radnog mjesta**
 - **odjeljenje ORL**, 1 (jedan) izvršilac, na određeno vrijeme – na period od 18 (osamnaest) mjeseci
 - pripadajuća osnovna neto plaća: 892,00 KM
- 05.1.- kardiološka ordinacija**, 1 (jedan) izvršilac na određeno vrijeme – na period od 6 (šest) mjeseci
 - pripadajuća osnovna neto plaća: 892,00 KM
- 06. Medicinska sestra - tehničar u službi za medicinu rada i sportsku medicinu, ordinacija medicine rada**
 - 1 (jedan) izvršilac na određeno vrijeme – na period od 18 (osamnaest) mjeseci
 - pripadajuća osnovna neto plaća: 892,00 KM
- 07. Medicinska sestra – tehničar u službi za opću zdravstvenu zaštitu sa blokom za intervencije i zdravstvenu zaštitu studenata**
 - 1 (jedan) izvršilac na određeno vrijeme – na period od 18 (osamnaest) mjeseci
 - pripadajuća osnovna neto plaća: 892,00 KM

08. Medicinski laborant u Službi za laboratorijsku dijagnostiku

- 2 (dva) izvršioca na određeno vrijeme – na period od 6 (šest) mjeseci
- pripadajuća osnovna neto plaća: 892,00 KM

09. Spremačica

- 1 (jedan) izvršilac na određeno vrijeme – na period od 1 (jedne) godine
- pripadajuća osnovna neto plaća: 465,00 KM

01. Opis poslova: obavlja prethodne preglede radnika, periodične preglede radnika na poslovima s posebnim uvjetima rada, sistematske preglede radnika, sudjeluje u timskom pregledu vozača i osoba koje se uključuju u promet, zdravstvene preglede u svrhu profesionalne orijentacije radnika, zdravstvene preglede pri upisu u srednje škole i na fakultet, učestvuje u obavljanju funkcionalne dijagnostike, antropometrije, sumiranju audiograma, oscilometrije, ortoreterskih i drugih nalaza, testova za vibracije i vibratornu bolest i vrši interpretaciju vlastitih rezultata kao i ocjenu rezultata ostalih specijalista s obzirom na uvjete rada i radni proces, određuje laboratorijske, radiološke i druge dijagnostičke postupke u cilju postavljanja dijagnoza, upućuje oboljelog na liječenje i rehabilitaciju, ocjenjuje radnu sposobnost i daje mišljenja u skladu s uvjetima rada i upućuje na konačnu ocjenu liječničke, invalidske odnosno druge komisije, daje stručna mišljenja na službene zahtjeve kod određenih slučajeva bolesti, povreda i profesionalnih oboljenja, procjenjuje zdravstveno stanje radnika u odnosu na rad, posebno radnika na poslovima sa posebnim uvjetima rada, vrši raspored osoba sa invaliditetom sa IK, sa obilaskom radnog mjesta, obavlja preglede sportista, učestvuje u radu komisije za kontrolu bolovanja uslijed privremene spriječenosti za rad osiguranika preko 42 dana, obavlja i druge poslove predviđene pravilnikom i po nalogu neposrednog rukovodioca, a u domenu svoje stručne spreme.

02. Opis poslova: Izrađuje plan i program rada zdravstvene zaštite iz područja neuropsihijatrijske (neurološke i psihijatrijske) zdravstvene zaštite, određuje laboratorijske, radiološke i druge dijagnostičke procedure, obavlja preventivne preglede, vrši pregled, obradu i liječenje bolesnika u specijalističkoj ambulanti i kabinetima u okviru svoje specijalnosti, daje mišljenje kod pacijenata kod kojih se sumnja na ovisnost, vrši kontrolne preglede, obavlja konzultativne preglede, daje stručno mišljenje na službeni zahtjev, ocjenjivanje radne sposobnost u skladu sa uvjetima rada i upućivanje na konačnu ocjenu ljekarske, invalidske i druge komisije, prvi kontrolni pregled neuroloških i psihijatrijskih pacijenata, učestvuje u radu Komisije za kontrolu bolovanja uslijed privremene spriječenosti za rad preko 42 dana, obavljanje i svih drugih poslova propisanih pravilnikom, po nalogu neposrednog rukovodioca, a u domenu svoje stručne spreme.

03. Opis poslova: Učestvuje u provođenju medicinskog rada na odjelu i u specijalističkoj ambulanti, vrši pregled, obradu i liječenje bolesnika u specijalističkoj ambulanti, određuje laboratorijske, radiološke i druge dijagnostičke procedure u cilju postavljanja dijagnoze, vrši očitavanje RTG snimaka pluća, očitavanje nalaza velike i male spirometrije, vrši kontrolne preglede, obrade pacijenata koji se upućuju na I.K., daje mišljenje o radnoj sposobnosti pacijenta, liječničkoj, invalidskoj i drugim komisijama, učestvuje u radu Komisije za kontrolu bolovanja uslijed privremene spriječenosti za rad preko 42 dana, a u skladu sa Pravilnikom o postupku i kriterijima za utvrđivanje privremene spriječenosti za rad osiguranika, obavljanje i svih drugih poslova, po nalogu neposrednog rukovodioca, a u domenu svoje stručne spreme.

04. Opis poslova: Kontrola higijene, povoljne mikroklimе i estetskog izgleda odjeljenja, poduzimanje mjera za sprječavanje nastanka infekcije, vodi računa o redovnom održavanju aparata, samostalno izvođenje svih fizioterapeutskih postupaka prema nalazu ljekara specijaliste fizijatra, obavljanje složenijih fizijatrijskih procedura, izvođenje svih kinezoterapijskih mjerenja u svrhu kontrole efekata tretmana, briga o ispravnosti opreme i fizioterapeutskih pomagala, drugi poslovi, po nalogu neposrednog rukovodioca, a u domenu svoje stručne spreme.

05. Opis poslova: Poduzimanje mjera za sprječavanje nastanka infekcije, čišćenje i dezinfekcija radnih površina, priprema sanitetskog materijala, te pranje i sterilizacija instrumenata, vođenje računa o stanju materijala u ambulanti kao i trebovanja materijala., prijem pacijenata i priprema za pregled, pripremanje nalaza i vođenje protokola, te dnevnih evidencija, pružanje zdravstvene usluge po nalazu specijaliste, dostavljanje nalaza na očitavanje, rad u kabinetu za tonalni audiogram, rad u kabinet za vestibulometriju i timpanometriju, obavljanje administrativnih poslova (medicinska dokumentacija) i svih drugih poslova, po nalogu neposrednog rukovodioca, a u domenu svoje stručne spreme.

05.1. Opis poslova: Kontrola higijene, povoljne mikroklimе i estetskog izgleda ljekarske ordinacije, ambulante za prijem pacijenata i kabineta za snimanje, poduzimanje mjera za sprječavanje nastanka infekcije, briga o savjesnom i ispravnom rukovanju medicinskom, dijagnostičkom aparaturom, briga o trebovanju potrebnog materijala (traka, elektroda i kablova za ekg te ostalog potrebnog materijala), rad u kabinetu za ekg, ergometriju i uzv srca

06. Opis poslova: Kontrola higijene, povoljne mikroklimе i estetskog izgleda ordinacije, te ambulante za prijem pacijenata, poduzimanje mjera za sprječavanje nastanka infekcije, čišćenje i dezinfekcija radnih površina, rad u ambulanti (prijem pacijenata, evidentiranje pacijenata i davanje uputa, izdavanje uputnica za obavljanje sistematskih i periodičnih pregleda, ljekarskih uvjerenja, sanitarnih pregleda...)

07. Opis poslova: Kontrola higijene, povoljne mikroklimе i estetskog izgleda ordinacije, pulta za prijem i ambulante za intervencije, poduzimanje mjera za sprječavanje nastanka infekcije, priprema i sterilizacija sanitetskog materijala i instrumenata, prijem i trijaža pacijenata, priprema pacijenta za ljekarski pregled, kontrola i registriranje vitalnih znakova kod pacijenta (temperatura, krvni pritisak), EKG snimanja, priprema pribora i davanje infuzionih rastvora, priprema pacijenta i aparata za kisik, vršenje pripreme i sekundarna obrada manjih rana, te stavljanje osnovnih zavoja, vođenje evidencije protokola i dnevne evidencije, obavljanje i svih drugih poslova, po nalogu neposrednog rukovodioca, a u domenu svoje stručne spreme.

08. Opis poslova: uzimanje uzoraka (vađenje, raspisivanje i centrifugiranje krvi, urini – kontrola, registrovanje, analiza, mikroskopiranje, imanje raznih briseva i zasijavanje), vođenje evidencija pacijenata, rezultata, kucanje nalaza, redovno održavanje aparata, rad na automatima i ručnim analizama (mikrobiološkim, biohemijским, hematološkim i imunološkim, analiza droga za TOX), vođenje protokola, dnevnih i mjesečnih izvještaja, odlazak na teren po potrebi, priprema epruveta za vađenje za sljedeći dan i provjeravanje zaliha materijala za zadužene analize, drugi poslove po nalogu neposrednog rukovodioca, a u domenu svoje stručne spreme

09. Opis poslova: vrši poslove održavanja higijene objekta, radnih prostorija, zajedničkih prostorija, namještaja i opreme, dezinfekciju zajedničkih prostorija i sanitarnih čvorova, održavanje higijene javne površine oko zgrade Zavoda, po potrebi čisti garažu i pomaže pri pranju putničkih vozila, obavlja i druge poslove po nalogu nadležnog rukovodioca.

Uslovi za vršenje poslova

Pored opštih uslova utvrđenih Zakonom o radu FBiH, kandidati treba da ispunjavaju i posebne uslove utvrđene Pravilnikom o unutrašnjoj organizaciji i sistematizaciji, kako slijedi:

- **Za radna mjesta broj 01:** VSS-VII./1 ili 360 ECTS bodova (medicinski fakultet), specijalizacija iz medicine rada ili iz medicine rada i sporta, važeća licenca za rad i poznavanje rada na računaru.
- **Za radno mjesto broj 02:** VSS-VII./1 ili 360 ECTS bodova (medicinski fakultet), specijalizacija iz neuropsihijatrije, važeća licenca za rad i poznavanje rada na računaru.
- **Za radno mjesto broj 03:** VSS-VII./1 ili 360 ECTS bodova (medicinski fakultet), specijalizacija iz pneumoftizilogije, važeća licenca za rad i poznavanje rada na računaru.
- **Za radno mjesto broj 04:** VSS-VI ili 180 ECTS bodova ili VŠS-VI (Zdravstveni fakultet – smjer fizioterapeutski ili Viša medicinska fizioterapeutska škola), važeća licenca za rad, položen stručni ispit, poznavanje rada na računaru i šest mjeseci rada u struci
- **Za radna mjesta broj 05, 06, 07:** SSS-IV (Medicinska škola), važeća licenca za rad, položen stručni ispit, poznavanje rada na računaru, šest mjeseci rada u struci
- **Za radno mjesto broj 08:** SSS-IV (Medicinska škola laboratorijskog smjera), važeća licenca za rad, položen stručni ispit, poznavanje rada na računaru, šest mjeseci rada u struci
- **Za radno mjesto broj 08:** NSS (Osnovna škola)

Dokazi

U svrhu dokazivanja ispunjavanja općih i posebnih uslova, kandidati su dužni uz prijavu na javni oglas, podnijeti kraću biografiju sa navedenom adresom, e-mail adresom i brojem telefona, kao i sljedeću dokumentaciju i akte, kao dokaze (originale ili kopije s ovjerom ne starijom od tri mjeseca):

- Dokaz o stručnoj spremi (diploma o završenom fakultetu, višoj, srednjoj ili osnovnoj školi)
- Uvjerenje o položenom specijalističkom ispitu (za radna mjesta broj: 01,02,03.)
- Uvjerenje o položenom stručnom ispitu (za radna mjesta od: 01.-08.)
- Licenca za samostalan rad izdata od nadležne komore (za radna mjesta od: 01.-08.)
- Uvjerenje o državljanstvu
- Izvod iz matične knjige rođenih

Oblasti i literatura iz koje će biti pismeni i usmeni dio ispita

Radna mjesta pod 01. Dragomir Stanković, *Medicina rada*, Beograd-Zagreb 1984.; Marko Šarić/Eugenija Žuškin, *Medicina rada i okoliša*, Medicinska naklada, Zagreb 2002.; Mirjana Anđelović/Jovica Jovanović, *Medicina rada*, Medicinski fakultet Univerziteta u Nišu, Niš 2009.

Radno mjesto pod 02. Borivoje Radojičić, *Klinička neurologija*, Elit Medica, Beograd 2011. ili 2018.; Abdulah Kučuković i saradnici, *Psihijatrija*, Medicinski fakultet Univerziteta u Sarajevu, Sarajevo 2011.

Radno mjesto pod 03. Prof. dr Bakir Mehić i saradnici, *Pulmologija*, Respiratorno udruženje Bosne i Hercegovine, Sarajevo 2016.

Radno mjesto 04. Ešref Karaiković, *Kineziterapija*, Svejtlost, Sarajevo 1984.; Veljko Mandić, *Principi rehabilitacije*, Medicinski fakultet Sveučilišta u Zagrebu, Zagreb 1987.; Prof. dr Ferdo Licul, *Elektrodijagnostika i elektroterapija*, Školska knjiga Zagreb, Zagreb 1981.

Radna mjesta pod 05, 06 i 07. Ferid Ljuca/Sabina Nuhbegović, *Praktikum iz fiziologije*, "OFF-SET", Tuzla 2005.; Prof dr Bakir Mehić, i saradnici, *Pulmologija*, Respiratorno udruženje Bosne i Hercegovine, Sarajevo 2016.

Radno mjesto pod 08. Ljerka Išgum-Vorgić, *Medicinska biokemija, Udžbenik za 4-godišnje strukovne škole za zdravstveno-laboratorijske tehničare, 3. izmijenjeno i dopunjeno izdanje*, Medicinska Naklada, Zagreb 2006.; Miroslav Ristić/Slobodan Ristić, *Hematologija, za treći i četvrti razred usmerenog obrazovanja zdravstvene struke za laboratorijske tehničare*, Zavod za udžbenike i nastavna sredstva, Beograd 1983.; Šukrija Zvizdić/Edina Bešlagić, *Medicinska mikrobiologija sa parazitologijom*, Katedra za mikrobiologiju Medicinski fakultet Univerzitet u Sarajevu, Sarajevo 2003.

Napomena:

- Dokaz o poznavanju rada na računaru (uvjerenje škola ili drugih institucija koje se bave obučavanjem znanja rada na računaru), uvjerenje fakulteta o provjeri znanja rada na računaru, položenom ispitu informatike, ili drugu ispravu fakulteta (ovjerena kopija upisnice – indeksa, dodatak diplomi), ili ustanove, koja potvrđuje poznavanje ili znanje rada na računaru, diplomu ili drugu ispravu koja potvrđuje stečeno zvanje ili zanimanje koje je neposredno vezano za rad na računaru).
- Sa kandidatima koji dostave potpunu dokumentaciju obaviti će se pismeni i usmeni stručni ispit (za radna mjesta za koje je kao uslov propisano osnovno ili srednje obrazovanje, samo usmeni ispit), nakon kojeg će biti donesena odluka o prijemu u radni odnos. O datumu, vremenu i mjestu pristupanja polaganja pismenog i usmenog stručnog ispita, kandidati će biti obaviješteni putem pismene obavijesti koja će biti dostavljena na adresu kandidata kao i na e – mail adresu ukoliko je ista navedena u prijavi, i to najmanje 5 (pet) dana prije održavanja ispita.
- Ako kandidat ne pristupi polaganju pismenog i usmenog stručnog dijela ispita, smatrat će se da je odustao od dalje oglasne procedure.
- Kriterij na osnovu kojih će se vršiti bodovanje kandidata jesu: postignuti uspjeh na pismenom i usmenom stručnom ispitu, eventualne preporuke ranijih poslodavaca i dosadašnje radno iskustvo.
- O rezultatima oglasa, kandidati će biti pismeno obaviješteni.
- Kandidati sa kojima bude zaključen radni odnos, obavezni su u roku od 15 (petnaest) dana od dana zaprimanja obavještenja o izboru kao najboljeg kandidata dostaviti ljekarsko uvjerenje ne starije od 6 (šest) mjeseci, prije stupanja na rad.
- Kantonalni zavod za medicinu rada i sportsku medicinu nije u obavezi vraćanja dostavljene dokumentacije.

Svu traženu dokumentaciju, uz prijavu potpisanu od strane podnosioca i kratku biografiju, treba dostaviti **najkasnije u roku od 8 (osam) dana od dana njegove objave u listu „Naša riječ“**, u zatvorenoj koverti putem poštanske službe preporučeno na adresu:

Javna ustanova

Zavod za medicinu rada i sportsku medicinu Zeničko – dobojskog kantona

Bulevar Kralja Tvrtka I broj 4, 72 000 Zenica

Uz naznaku: „NE OTVARAJ – PRIJAVA NA JAVNI OGLAS (sa naznakom za koje radno mjesto)“

Kontakt osoba za davanje dodatnih obavještenja u vezi sa ovim javnim oglasom: Hana Ahmetpahić, mag.iur., broj tel: 032/449-471

Direktor

Dr sc. prim. Mersija Kasumović

Broj: 7970/19